



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. XIX. De tempore quod supererit vsque ad excidium mundi.

[urn:nbn:de:hbz:466:1-46817](#)

sen, & tamen Pharaonem cum populo suo permanisse in obstinatione contra populum Dei. Non minor, sed maior potius erit obduratio impiorum illius temporis: non enim credent haec a Deo irrogari, sed fatali necessitate, & mundi quodam morbo euenire, qualia etiam sensere Stoici: vel si credant a Deo inferri, non tamen idcirco conuertentur, sed irascentur in illum, eumque blasphemabunt, quod tantas calamitates inferat, ut aperte pluribus locis testatur Ioannes. Maximam vim in eorum animis habebit diabolus, qui tunc solutus erit.

CAPVT XIX.

De tempore quod supererit usque ad excidium mundi.

107 DECIMO & ultimò cernetur iustitiae diuinæ severitas in extremo Iudicio, cuius nobis forma breuiter describenda cum ijs quæ ipsum antecedent & sequentur. Qua in re nobis sex consideranda sunt. Primum, Tempus quod usque ad excidium mundi a cæde Antichristi supererit. Secundum, Ignis quo mundus vastabitur. Tertium, Mortuorum resurrectio & congregatio. Quartum, Aduentus Iudicis, ciuilque sententia. Quintum, Executio sententiae. Sextum, Poenarum grauitas & aeternitas.

Quod ad Primum attinet; Interfecto Antichristo, & eius exercitu cum principiis persecutoribus deleto, dabitur Ecclesiæ magna tranquillitas; & qui per loca deserta erant dispersi vel abditi, redibunt ad sedes suas; & qui ceciderant vi persecutionis, resurgent: & Religio Catholica rursum incipiet efferre caput, & publicè florere. Vtrum autem non ita diu post illam cladem impiorum sit futurum Iudicium, an adhuc ad aliquot annos extrahendum, dubium est inter Doctores. Quidam putant solum ad quadraginta quinque dies differendum; propter verba Danielis cap. 12. vbi cum Angelus indicasset Regnum Antichristi duraturum mille ducentos nonaginta dies, id est tres annos cum medio, & insuper diebus tredecim, addit: *Beatus qui expectat & peruenit usque ad dies mille trecentos triginta quinque.* qui numerus dierum superat priorem (qui est Regni Antichristi) diebus quadraginta quinque. Hinc colligunt multi Interpretes, inter quos S. Hieronymus in illum locum Danielis, hoc numero dierum indicari tempus, quod occiso Antichristo supererit mundo; quo expleto, quia Sanctis reddenda præmia,

Tranquillitas Ecclesiæ post eadem Antichristi.
Sententia multorum mundum solum durarum 43. dies post eadem Antichristi.

Iii mia,

mia, idcirco *beatum* dici eum, qui ad terminum illius temporis peruerterit.

*Refutatur
hac senten-
tia.*

Verum multis non placet haec interpretatio. Primo, Quia nihil est quod cogit illum locum sic accipi: non enim minus accipient præmium qui ante mortui fuerunt, quam qui usque ad terminum illorum dierum vixerint. Vnde non videtur Angelus loqui de Iudicio & præmij collatione, sed potius de tranquillitate & felici statu Ecclesiæ, quo poterit, hostibus eius ubique interemptis, & infidelibus vndeque ad eam accedentibus. Itaque *beatus erit qui tunc vixerit*: quia absque timore poterit Deum publicè colere: & si lapsus fuerit, poterit resurgere: si infidelis, facile poterit conuerti, doctrina fidei usque disseminata per illius temporis Concionatores. Secundo, Quia valde credibile est, Deum concessurum plus temporis, ut Iudei & alij infideles, quos ipse iam tot plagiis, prodigiis ac terroribus ad fidem dispositus, possint instrui & conuerti; & ubi conuersi fuerint, Deum colere, ei que gratias agere. Hoc enim pietati & misericordia diuinæ valde consentaneum. Idcirco enim tot prodigia præmisit, & Antichristum cum suis deleuit, ut qui prostrati fuerant, possint resurgere, & omnes infideles conuerti. Hinc Liranus & Dionysius Carthusianus in cap. 5. Epist. prioris ad Thessalon. docent, occiso Antichristo, eiusque fallitate detecta, totum mundum ad Christum conuertendum, ita ut longè plures sint fideles quam infideles. Tertio, Quia si delecto Antichristo solum quadragesima quinque dies superessent, certe posset præscrii dies Iudicij futuri, idque statim ab initio Regis Antichristi, quod sapientibus Ecclesiæ viris non erit ignotum. Hoc autem videtur repugnare sententiæ Domini Matth. 24. *De die autem illa & hora nemo scit, neque Angeli calorum, nisi solus Pater.* Hinc Dominus eodem capite indicat, aduentum suum ad iudicium fore prorsus opinatum, sicut diluvium; & se venitur quando homines minime putabant, sicut fur venit noctu. Idem dicit Apostolus 1. ad Thes. 5. *Cum dixerint pax & securitas, tum repentinus eis superuenies interitus, & non effugient.* Denique Ezechielis 39. dicitur, celo exercitu Gog & Magog (quem paucim Doctorer volunt esse exercitum Antichristi) tantam fore multitudinem cadaverum, ut Israëlitæ, id est, fideles, per septem menses sint occupandi in illis sepeliendis: & tantam copiam armorum & lagnarum, ut septem annis sint ea combusturi ad focum domesticum, nec opus sit alia lignatione. Ex quibus verbis valde probabiliter colligi potest, saltem ad septem annos

annos postea mundum durarum. Vix enim aliter verba Ezechie-
lis accipi possunt, ut Barradius Tomo 3. lib. 9. cap. 7. & Ribera in
cap. 20. Apocal. num. 7. ostendunt.

*Post Anti-
christi morte-
verisimile est
mundum ad-
huc 7. anni
duraturum.
Lucas 18.*

109 Nec obstat illud quod ait Dominus: *Cum venerit filius hominis,
putasne inuenies fidem in terra?* loquitur enim non de extremo Iu-
dicio, sed de eo tempore quo veniet ad faciendam vindictam in
maxima illa fidelium oppressione tempore Antichristi, quando
clamabunt ad illum die ac nocte, ut colligitur ex adiunctis: tunc
enim non diu patientiam habebit, sed citio veniet; quiā non finet il-
lam persecutionem durare nisi tres annos & dimidium: quibus ex-
pletis, faciet vindictam delendo persecutores. Et hoc est quod di-
citur Matth. 24. *Nisi breuiati fuissent dies illi, non fieret salua omnis
caro: sed propter electos breuiabuntur dies illi.* Eo tempore ita domi-
nabitur impietas, ut rari sint futuri veri fideles comparatione mul-
titudinis impiorum. Et sanè nisi hunc locum sic exponamus, vix
apparet quomodo cum ijs quæ ibi de clamore electorum & vin-
dicta dicuntur cohæreat. Accedit, quòd hic aduentus erit inchoa-
tio quædam & veluti preparatio vltimi aduentus. Eamdem insi-
nuat Barradius, addens, post illam vindictam fideles fore plurim, &
ferè totum mundum ad fidem conuertendum.

CAPVT XX.

De igne quo conflagrabis orbis.

110 EXPLETO tempore quod Deus post illam cladem ad conuersio-
nem peccatorum definivit, sequetur ignis conflagrationis. Du-
biū tamen est, Vtrū ignis iste quo mundus conflagrabit, ante-
cedet Iudicis aduentum, an sequiturus sit. S. Augustinus lib. 20. De
ciuit. cap. 16. & 30. aperte indicat, hunc ignem secuturum Iudicis
aduentum & sententiam. Sed communis ferentia Doctorum
est, hunc ignem antecessum ipsum personalem aduentum &
comparitionem Iudicis. Probatur primò Psal. 96. *Ignis ante ipsum
præcedet, & inflammavit in circuitu inimicos eius. Montes sicut cera
fluxerunt à facie Domini, à facie Domini omnis terra. Annuntiaue-
runt cœli iustitiam eius, & viderunt omnes populi gloriam eius.* Hic
primò ponit ignem omnia exurentem, deinde Iudicis apparitionem.
Quod autem iste Psalmus sit de secundo Domini aduen-
tu, quo iudicabit orbem, patet ex Apostolo ad Hebræos 1. Rut-
sus